

Cartas nordic

Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2019

■ **Skurup, Svedia:** Ma ... non es isto...? Si, isto es Nils Holgersson. Al summitate de un alte collina immediate preter autostrata E65 in le sud de Svedia sta un grande statua de 700 kilos. Illo monstra le persona principal in le famose e multo amate conto de 1906-1907 per le autor Selma Lagerlöf. Le puero Nils es cambiate in un pusillo, qui sur le dorso de un ansa vola supra tote le regiones de Svedia e aprende super le natura mythic e le contos del homines e animales. Selma Lagerlöf lo scribeva como parte de un competition de un nove libro de geographia. Le statua per le artista Jon Leifsson esseva inaugurate in maio 2007. Nils sede in un altitude de 15 metros, le ansa es quatro metros longe e le alas quasi octo metros in distantia.

Texto e photo: Thomas Breinstrup

Questiones

1. Qui es Nils Holgersson?

2. Proque vola ille sur le dorso de un ansa?

3. Proque scribeva Selma Lagerlöf iste historia?

4. Ubi sta le statua de Nils Holgersson?

5. Explica que es un pusillo – le figura in le qual Nils Holgersson es cambiate.
